

Umunezero

Cecile Kayirebwa

Ayii yeh, ayii yeh, ayii ah

Ubw'inganzo yasobetse n'umunezero
Ingoma ni zivugire rimwe
Amakondera atsikimbe

Yah yah, ayi yeh

Ubw'inganzo yasobetse n'umunezero
Imyirongi n'impanda
Nibivange, bibe urusobe

Yah yah ayi yeh ah ah

Ubw'inganzo yasobetse n'umunezero
Umva ibihozo by'abakobwa
Umv'imihigo y'abahungu

Ayi yeh, ayi ah ah

Ndumv'inzogera n'imirindi
Dore intambwe z'abo bageni
Dore abana b'ibisage
Za nganzo z'ibyansara

Mbega, mbega
Mbega ibyiza bimpimbaye
Mbega ubwiza n'uburanga
Mbega impano y'Imana

Ayi ah ah ah yi ah

Mvuge ibihe ndeke ibihe
Mu byiza by'uru Rwanda
Mpere hehe, ngeze hehe ?
Ngo ndurate ndusingize

Utununga, n'imisozi, n'ibirunga
N'imirambi, n'ibisiza
N'amataba ateze neza

N'ibiyaga n'amashyamba

Mvuge ibihe, ndeke ibihe ?

Urukundo, n'urugwiro, n'umurava

N'ubutwali n'ubupfura

Nibyo mucu, nibyo ngiro

Niwo murage w'abakuru

Ayi ah ayi ah ayi ah

Lyrics Submitted by AÃ©nÃ© ArsÃ©ne

Lyrics provided by

<https://damnllyrics.com/>